



Sigismundus ille in Bohemia honestis parentibus natus anno circiter 1495. Is cum felici ingenio esset præditus, artibus & linguis magna diligentia incubuit, & earum magnum sibi usum comparavit. Postea sese Basileam contulit, atq; suam operam Hieronymo Frobenio & Nicolao Episcopo addixit. Itaq; in eorū officina longo tempore permansit, atq; optimos quosq; auctores Græcos atq; Latinos singulari dexteritate à mendis repurgavit, & ut castigatissimè ederentur, curavit. Erat ipse corpore procero, sed modestissimo ingenio, atque ad literarios labores intētissimo. præterea moribus inculpatis, & religionis cupidissimus. Inter labores autem typographicos varias quoq; lucubrationes edidit, atq; suis vigilijs omnibus doctis innotuit. cum enim diuersis linguis & variarum rerum cognitione esset doctissimus, scripsit Lexicō Symphonum, quo quatuor linguarum Europæ familiarium, Græcæ scilicet, Latinæ, Germanicæ, & Slauonicæ concordia consonantiæq; indicatur atq; Basileæ 1537 edidit. Annotationes quoq; in Liuji Historiam, ac etiam in Plinij naturale opus publicauit. Postea uerò maiora aggressus, Dionysij Halicarnassei de gestis Romanorum Historias è Græco in Latinum sermonem transtulit. Pari dexteritate uertit ex Græco Iosephi Historias Iudaicas, atq; puriori dictione publicè exhibuit. Quin & Eutropij Historias emēdauit, atq; rem literariam multorum auctorum restauratione plurimū adiuuit. Cum Sigismundus talis esset, atq; privatim sibi tantū & literis uiueret, tandem anno ætatis circiter 60, salutis uerò 1555 Basileæ obiit, & ad S. Petrum honestè sepultus fuit, Anon. Con. Lycosth.